

THE COMPOST COLLECTIVE



BOKASHI

HEI TĪMATANGA

Te rerekē o te pū wairākau mai rā anō, ko te Bokashi he rongoā ā-paura e ruia ana kia pīkaratia ai ō para kai. Ko tēnei mahi whakamoitanga he mea e pirau wawe ai te kai, kia kore ai e āta pirau ka haunga.

He pūnaha hauhā-kore te Bokashi. He rua pākete e noho ai tētahi i roto i tētahi te tikanga. Kei te pākete o runga ō para kai me hīri ki te taupoki hau kiki, ko te pākete i raro e hopu ana i te wai e turuturu iho ana i te pākete o runga.

Ko te wāhi tiaki me mahana, kāore e whiti tōtikahia e te rā.

NGĀ MEA HEI TĀPIRI

Nā te pīkarahia, i meinga ai te Bokashi hei kōhi i ō para kai katoa, me te tūpono o tō kuhu atu i ētahi kai kāhore e pū wairākautia, e whāngai rānei ki te toke, pērā i te:

- Huarākau me te huawhenua mata
- Orooronga kawhi, pēke ti rānei
- Kai kua tunua, kua naomia rānei pērā i te parāoa me te parāoa rimurapa
- Kai whai pūmua nui pērā i te tīhi, hēki, mīti, ika me ōna wheua iti

NGĀ MEA KIA KAUA E TĀPIRIHIA ATU

Kaua e tāpirihia ngā mea e whai ake nei:

- He mea papa waro 'parāone' pērā i te pepa, pepa mārō, para māra rānei
- He mea waiwai pērā i te hua miraka, te tarawai, te hinu rānei
- He wheua mīti nunui
- He tākai kirihōu




EcoMatters



Kaipātiki Project
share in nature's revival



BOKASHI



ME PĒHEA TE MAHI BOKASHI


Tapatapahia ō para kai kia kaua e rahi atu i te paoro korowha ka waiho ai ki roto ipu kohinga kai.

1. Kotahi, e rua rānei ngā kohinga kai ki te pākete Bokashi ia rā.
2. Pēhia rawatia e koe ngā para kai ki raro kia kotē rawa te hau ki waho.

3. Ruia kia 1-2 ngā pune paura ki ia 6 henemita o te para.
4. Kia kiki te kati i te taupoki o te pākete e oti ana te mahi.

Rīngihia te wai i te pākete o raro i ia 2-3 rā.

E tika ana kia haunga pīkara ngā para kai, kia tupua hoki a runga e te puruheka mā. He tohu tēnei e mahi tika ana te pūnaha.




KIA AHATIA TE WAI?

Me horoi mā te riringi i te wai Bokashi ki roto tonu i tō heketua, uhiuhi, putanga wai rānei.

Hei whakawaimeha, tāpirihia kia 2-3 ngā pune tēpu o te wai Bokashi ki ia 5 rita wai. Rīngihia tēnei i te one, ki te take rānei o ngā tipu e ora ai rātou.

3 pune o te wai Bokashi



5 rita wai



KIA AHATIA NGĀ MEA MĀRŌ?


Ka kī ana tō pākete, waiho kia taupokihia tonutia mō te 10-14 ngā rā kia oti ai te whakamoitanga. Tukua tonutia te wai kia rere.

Ā muri i te 10-14 rā, kua rite tō Bokashi hei whakamahi.

Keria he waikeri i tō māra kia rite ki te pākete Bokashi te hōhonu, kia rua tāima atu te roa.

Raua atu ngā kai kua moitā ki roto i te waikeri ka uhi ai ki te paru kia kaua e iti iho i te 50-75 mirimita. He 3-4 wiki i muri mai, ka huri ō para kai kua moitā hei pū wairākau, ka āhei tō whakatō tipu ki runga tonu.

Ina kore ō wāhi wātea, ka taea te kuhu ngā mea mārō nei ki tō putunga pū wairākau. Whakamahia tō Bokashi hei uHINGA 'kākāriki'. Āta horahia ka uhi ai kia rahi ngā mea 'parāone' ki runga.



Ngā mea parāone

Ngā mea kākāriki

Whakamahia tō Bokashi hei uHINGA kākāriki

He hānawiti pū wairākau

Ā te wā, ka raupapa ngā uHINGA, ka huri hei pū wairākau

Te pū wairākau kua māngaro

